

六模

一百一

永樂大典

卷二千三百四十五

之二十三百四十七

永樂大典卷之二千三百四十五

六模

烏

洪武正韻汪胡切。黑也。何也。亦作惡。小爾雅。陽烏。鴻鴈也。又純黑反。哺謂之烏。小而頸白不反哺者謂之雅。又烏烏秦聲。噫烏。志怒聲。許

慎說文。烏孝鳥也。象形。孔子曰。烏呼也。取其助氣。故以爲烏呼。凡烏之屬。皆从烏。哀都切。徐鉉等曰。今俗作鳴。非是。維古文烏象形。𠂇象古文烏

省爾雅。燕白脰烏。郭璞注。脰。頸。音豆。邢昺疏。釋曰。脰。頸也。頸。項也。小爾雅云。白項而群飛者謂之燕烏。燕脰烏是也。鸛山烏。疏。釋曰。山烏一名鸛。

郭云。似烏小赤背。穴乳。出西方。小爾雅。燕烏白脰烏也。雅烏。鶯也。顧野王

玉篇。烏。於乎切。又語辭。犂古文張參五經文字。乙姑反。徐鍇通釋。烏反哺

也。曾參有孝德。三足烏巢其冠。言此字本象鳥形。假借以爲烏呼也。宛都

反。宋重修廣韻。又姓。左傳。齊大夫烏枝鳴。又虜姓。周上開府烏丸泥。又虜

三字姓。北齊有烏那羅愛。後魏書有烏石蘭氏。烏落蘭氏。司馬光類篇。於

緙。緙。又衣虛切。于也。居也。往也。烏。又於諫切。張有復古編。烏別作鳴。非。又

筆迹小異。於。鄭樵六書畧。烏。烏。爲也。象形。戴侗六書故。於。古文雅也。

象其飛。烏黑不辨其目。故眊烏而殺之。又作於。又於加切。別作雅。又作鵠。

烏與雅實一聲之轉。皆因其鳴聲。呂謂之。非有二字也。人發聲曰烏。亦借用之。書曰。黎民於變。皆雖。又曰。於縣哉。曰烏吟。亦作於吟。皆發語歎辭也。烏吟有雅呀之音。俗亦吟。吟有噫戲之音。皆一聲之轉也。又借爲烏旻之烏。亦作惡。與安焉於虔切。聲義相通。烏色黑。故俗亦謂黑曰烏。於。又衣俱切。借爲辭助。與方義相近。又借爲於邑之於。於邑。猶鬱邑也。李肩吾字通。紘。古文烏轉借爲紘字。今書同作方。韓道昭五音類聚。又於加切。烏托。行。女加切。西域國名。去長安九千九百五十里。烏聞切。烏托。漢西羌國名。鄭氏讀楊桓六書統影母。烏小篆作此。未詳烏隸因之。蓋从烏形。公其目曰烏。黑不辨目也。熊忠韻會舉要羽清音。陸佃曰。烏一名雅。其名自呼。詳見魚韻。鵠字注。又曰。烏陽物也。故日中有三足烏。又渴烏引水者也。後張讓傳作翻車渴烏。注渴烏爲曲角。以氣引水上也。又俗謂黑色曰烏。集韻古作鵠。或作於。案古文鵠乃今於字。本象鳥形。今但以爲歎辭。及語辭字。遂無以於爲鵠鳥字者矣。又見本韻於字下注。李鉤存古正字。烏。烏非。魏柔克正字韻綱。又烏故切。歎傷也。趙謙聲音文字通。景沾切。因烏鳥色純黑。故借爲黑色也。又姓。又歎詞。作嗚非。又安也。亦轉惡。語惡乎成名。孟居惡在。又烏鳥秦聲。李斯傳歌呼嗚嗚。俗字韻會。定正影摸切。三足烏。俗以

名日中闇虛字切

篆

𠂔

蛟篆

𠂔

古並揚鉤

𠂔

雲臺碑

影模影因煙烏

書

𠂔

又雲章並杜從古集篆古文韻海

𠂔

徐鉉篆韻

𠂔

並高勉齋學書韻總

隸書

烏

孔耽神祠

烏

樊安碑

烏

李翊碑

烏

費鳳碑

烏

熊君碑並漢隸字源

烏

薛君碑洪邁漢

隸分韻

真書

烏

歐陽詢

烏

顏真卿

行書

烏

黃庭堅

草書

烏

章草

烏

史游

烏

顏真卿

烏

黃庭堅

烏

鮮于樞草書集韻

總敘

陸佃埤雅說文曰烏孝鳥象形林罕以為全象鳥形但不注其目睛萬類目精皆黑烏體全黑遠而不分別其睛也烏一名鴉

其名自呼淮南子曰烏之啞啞鵠之啁啁豈為寒暑燥濕變其聲哉詩曰莫赤匪狐莫黑匪烏蓋狐群者也烏合者也故詩以况衛之君臣並為威虐其惡如一又曰哀我人斯于何從祿瞻烏爰止于誰之屋言富人之屋利之所在故烏集焉民之從祿將如此矣大夫欲王瞻之也又曰匪手攜

之言示之事。此之謂也。又曰。具曰予聖。誰知烏之雌雄。言幽王君臣俱自謂聖。如烏之黑。雌雄無以相別也。管子曰。烏集之交。初雖相驩。後必相咄。詩人每引以刺者。非特譏其爲惡如一。亦以刺其初皆利合。不以道也。烏又爲嘆詞者。佳見虎則鳴。烏見異則噪。故以爲烏。僉。烏僉。嘆所異也。今人聞鵲噪則喜。聞烏噪則唾。以烏見異則噪。故輒唾其凶也。尚書大傳曰。愛人者。兼其屋上之烏。然則惡而知其善。愛而知其惡者。寡矣。孫武子曰。烏起者。伏也。烏集者。虛也。言古之善料兵者。觀烏起而知伏。視烏集而知遁。烏樂空曠。鵲樂稠闇。世云。鴛交頸而感。烏傳涎而孕。莊子曰。烏鵲孺。蓋謂是歟。故語曰。鵲傳枝。鷦茹沫。又舊說烏性極壽。三鹿死後能倒一松。三松死後能倒一烏。雜俎曰。俗候烏飛翅重。知天將雨。烏陽物也。感陰氣而翅重。故俗以此占其雨否。淮南子曰。滕蛇游霧而殆於蜚蛆。烏力勝日而服於離禮。烏陽物也。格物總論烏鴉別名種類亦繁。彼有小而多群。腹下白者名鴉。烏有小背而白。比他烏微小。長而反哺其母者名慈烏。今有一種大喙。及白頸。而不能反哺者。非慈烏。南人謂之鬼雀。鳴則凶咎是也。然北人聞其鳴則喜。南人反是。亦善避矰弋彈射。說文又一種名寒鵲。狀差小。初冬來自西北云。春秋運斗樞。搖光星散爲烏。又曰。飛翔羽翮爲陽。陽氣

仁。故烏反哺。爾雅一名鶯斯。一名鵲鵲。一名桑飛。一名女鵲。一名巧婦。一名黑烏鵲鵲。通俗文白頭烏。謂之鵲鵲。崔豹古今注烏。一名驚烏。酉陽雜俎隱訣言。太清外術。烏四距。食之殺人。又曰。邑中終歲無烏有冠。郡中忽無烏者曰烏亡。焦子法訓。夫孝行之本。替本而求末。未有得之者也。如或得之。君子不貴矣。烏者獨有返哺。况人而無孝心者乎。韓子夫馴烏者斷其下翎。則必傳人而食焉。得不馴乎。抱朴子石先生丹法。取烏之未生羽者。以真丹和牛肉以吞之。至長其毛羽皆赤。乃殺陰乾百日。并擣服百日。得壽五百歲。萍洲可談。東南謂烏啼為凶。鵲噪為吉。故或呼為喜鵲。項在山東見人聞鵲噪。則唾之。烏啼却以為喜。不知風俗所見如何。

白烏

孝經援神契。德至鳥獸。則白烏下。典略白烏。太陽之精也。徐整

三五歷曰。序天地之初。有三白烏。主生衆鳥。孫氏瑞應圖。宗廟禮敬。備於孝慈。則白烏至。西漢書。睦弘傳。孝昭元鳳三年正月。泰山萊蕪山南。匈匈有數千人聲。民視之。有大石自立。高丈五尺。大四十八圍。入地深八尺。三石為足。石立後。有白烏數千。下集其旁。漢書宣帝五鳳三年。冠石之祥。有白烏數千。集於旁。崔豹古今注。成帝河平四年。白烏集孝文廟殿下。黑烏從之。玉海。漢元和中。蜀郡王追為益州太守。政化尤異。神馬四匹出滇池。河

中甘露降。白鳥見。始興起學校。漸變其俗。豫章志。漢孝章帝元和元年。太守李議臨郡二年。白鳥見南昌。太平御覽。和帝元興元年。白鳥一見廬江。宋書五行志。王者宗廟肅敬。則白鳥至。漢桓帝永壽元年四月。白鳥見齊國。晉武帝咸寧五年。七月戊辰。白鳥見齊南隰。太守獲以獻。晉武帝太康元年。五月庚午。白鳥見襄。太康十年。五月丁丑。白鳥見京兆長安。晉惠帝元康元年四月。白鳥見河南。成臯縣令劉機獲以聞。元康元年。五月戊戌。白鳥見梁國睢陽。元康元年。七月辛丑。白鳥見陳留。獲以獻。元康四年十月。白鳥見鄱陽。晉明帝太寧元年。吳郡獻白鳥。泰寧二年十一月。白鳥見京都。泰寧三年三月。白鳥見吳郡海虞。獲以獻。群官畢賀。晉孝武帝太元十一年八月乙酉。白鳥集江州寺庭。群鳥翔衛。太元二十一年五月癸卯。白鳥見吳國。獲以獻。宋武帝永初二年。六月丁酉。白鳥見吳郡婁縣。太守孟覲以獻。文帝元嘉二年十一月丙辰。白鳥見山陽。太守阮質以聞。元嘉三年三月甲戌。丹陽姑孰薛爽之。獲白鳥以獻。元嘉十一年六月乙巳。吳郡海鹽王說。獲白鳥。揚州刺史彭城王義康以獻。元嘉十三年三月戊辰。義興陽羨令。獲白鳥。太守劉楨以獻。元嘉十三年。咸羨縣民談含。送白鳥。皓質潔映。有若輝璧。爰稽瑞圖。寔惟嘉祥。元嘉十九年五月。海陵王文秀。

獲白鳥。南兖州刺史臨州王義慶以獻。元嘉十九年十月。白鳥產晉陵暨陽僑民彭城劉原秀宅樹原秀以聞。元嘉二十年七月。彭城劉原秀又獲白鳥以獻。元嘉二十四年八月乙巳。白鳥見晉陵南徐州刺史廣陵王誕以獻。孝武帝大明元年四月甲申。白鳥見南郡江陵。明帝太始二年六月丁巳。白鳥見吳郡海鹽。太守顧覲之以獻。九月壬寅。白鳥見吳興烏程。太守祁顒以獻。晉書載紀。蜀李雄書曰。武皇帝泰成三年。白鳥赤足來翔。帝以問范賢。賢曰。鳥有反哺之義。必有遠人懷惠而來。果關中流民請降。晉書虞溥傳。虞溥為政嚴而不猛。風化大行。有白鳥集于郡庭。齊書高帝時有獻白鳥。帝問此何瑞。范雲位卑最後答曰。臣聞王者敬宗廟。則白鳥至。時謁廟始畢。帝曰。卿言是也。感應之理。一至此乎。薛綜白鳥頌曰。聚焉白鳥。皓體如素。宗廟致敬。乃屑來顧。建元元年五月。白鳥見巴郡。永明八年四月。陽羨縣獲白鳥一頭。隆昌元年四月。陽羨縣又獲白鳥一頭。魏書靈徵志。高祖太和二年七月。白鳥見於涼州。九月。白鳥見於京師。三年五月。白鳥見於豫州。九月。白鳥見於秦州。十七年六月。兖州獻白鳥。二十三年十二月。司州獻白鳥。世宗正始二年五月。司州獻白鳥。三年九月。潁州郡獻白鳥。四年七月。潁川又獻白鳥。永平元年四月。潁川獻白鳥。延昌二年

八月平陽郡獻白鳥。三年六月冀州獻白鳥。肅宗正光元年十月幽州獻白鳥。孝靜天平二年七月齊獻武王獲白鳥以獻。元象元年五月冀州獲白鳥。興和四年四月魏郡貴鄉縣獲白鳥雛。五月京師獲白鳥。是月陽夏郡獻白鳥。七月北豫州獻白鳥。十月瀛州獻白鳥。武定元年六月東郡民獻白鳥。三年五月北豫州獻白鳥。是月廣宗郡獻白鳥。潁州又獻白鳥。六月滄州獻白鳥。四年四月梁州獻白鳥。五月濟州獻白鳥。八月陽夏郡獻白鳥。北史後周豆盧勣為渭州刺史。有惠政。烏鼠山絕壁千仞。由來無水。羗人若之。勣馬足所踐。忽飛泉湧出。有白鳥翔止廳前。乳子而復去。人為謠曰。我有丹陽山。出玉漿。濟我人夷。神鳥來翔。百姓因號其泉曰玉漿云。隋書令狐熙傳。熙為滄州刺史。在職數年。風教大洽。稱為良二千石。開皇四年。獲白鳥。豫章志。唐高宗顯慶四年。白鳥見建昌。顏思道家羅獲送省。舊唐書德宗紀。貞元七年。夏四月庚子。汴州獻白鳥。五月甲申。許州獻白鳥。貞元十一年六月。河陽獻白鳥。貞元十八年六月。烏集徐州之滕縣。隸柴為城。中有白鳥。溫州路志。唐昭宗天復二年。安固縣獲白鳥。薛令正明表獻之京。因改為瑞安。馬明叟實賓錄。唐林攢親亡。自埏甕作塚。廬其右。有白鳥來。甘露降。觀察使李若初以其事聞。詔旌異之。唐裴敬彝曾祖

子通居母喪哭喪明有白鳥巢冢樾兄弟八人皆爲明孝時人謂孝感所致五代史後晉少帝紀天福八年三月甲午有白鳥棲於作坊桐樹作坊使周務勅捕而進之漢乾祐三年五月太原進白鳥玉海宋雍熙二年五月壬申霸州獻白鳥四年六月癸卯邢州進白鳥撫州志景德三年本州以白鳥進獻有詔罷免歲貢續資治通鑑長編英宗治平三年太子右贊善大夫陳世脩獻白鳥賜帛五十疋以鳥還之宋史五行志元豐三年九月丙午趙州獲白鳥建炎十七年二月有白鳥六集于高禰壇上府尹沈該以瑞奏江少虞類苑資州資陽縣支漸熙寧中喪母既葬廬墓日三時號慕躬行膝步負土成墳有雙鶴徘徊松上久之又有群鳥翔集中一白鳥獨日至焉人以爲孝感所致孝義傳初諱母卒既葬就墳側構小室號泣守護蔬食經六冬有白鳥白兔馴擾墳側州人異之楊祥事親孝親亡廬墓終身有白鳥之瑞朱壽昌既尋得母迎歸京兆以養母故求通判河中府數歲母卒壽昌居喪幾喪明既葬有白鳥集墓上李訪父母卒廬於墓側常有白鳥數百集墓上金史太宗紀天輔四年八月甲寅新城縣進白鳥唐令狐楚表爲百官賀白鳥臣某等言臣昨二十三日中書宣武軍節度使劉彥佐進白鳥并以鳥及所獻圖示百官臣某伏以

殊祥絕瑞。有應斯歸。網緼感通。難識其朕。惟聖德動于皇天。天意勤于聖后。則必昭彰。矜矜靈物。荐臻流行。帝之仁。樹太平之業。毛羽遂性。禽鳥呈祥。臣等中賀。臣謹按孫氏圖云。王者宗廟敬。則白鳥至。又漢成帝時。白鳥集於文武廟。黑鳥皆從。頗類此圖。去年冬十一月。履端之始。陛下擁萬國。驅百靈。祀圓丘。封天姥。前一日。已孝享於宗廟。盡敬致美。竭力精誠。悲感之音。動於列辟。孝敬之極。通於神明。白鳥之來。允答醇至。書之史冊。萬代有詞。觀其素彩皓潔。丹雘朱耀。冰霧疑作霜。奪色。龜龍讓輝。參五雲。周禮雖有五雲。又疑別用事之嘉祥。掩百王之能事。臣等叨逢昌運。累沐殊私。親覩太陽之精。克叶大君之祉。歡躍抃舞。手足無從。不勝犬馬欣慶之至。張說集進白鳥賦并批荅咨大鈞之播氣。在品物而流形。有莫黑之凡族。忽變白而効靈。感上仁於孝道。合中瑞於祥經。若夫事出神妙。理包舒卷。既集王屋。飛隨帝輦。捧日高翥。迎風細轉。識句句於招呼。每啞啞於啄吮。以其雪羽霜毛。冰精玉狀。拔竒綠林之下。賞異紫臺之上。瞰鵲鵲之妙牕。抱鳳凰之衣桁。恐同類之見嫉。畏不才之速謗。願悉命於渥恩。豈顧私於閑放。維聖君之靈圓。物何遠而不臻。有能言而可重。或善舞而取珍。羞陋軀而入獻。與寶羽而為隣。探朝噪之聲樂。眷夜啼之曲新。無芒距以擢武。

不鉤簪以懷仁。謝先容而特達。却假飭以全真。鑒深心於反哺。移報德於君親。墨詔批答。得所進白鳥符彩明媚。助日揚輝。白羽翩翩。凌霜比色。況乎反哺斯重。能仁是高。對之有觀。情不能已。又覽所進。放言體物。詞藻瀏亮。尋繹研味。披翫無厭。所謂文苑菁華。詞塲警策也。今賞卿金五挺。銀十挺。文苑英華裴度作白鳥呈瑞賦。翩彼靈鳥。賁然效質。披圖謀而罔貳。叶邦家而得一。備體有光。至真無匹。宗廟薦敬。帝王之孝克孚。天地感仁。潔朗之容可述。恥受彩以相混。故莫黑而獨出。上瓊樹而若無。下瑤塔而乍失。懷恩反哺。方去去以凌雲。養素來儀。且翩翩而就日。觀夫載飛載止。厥狀粲然。不染而成。因心之孝以立。匪召而至。感物之道遐宣。向皇風而自舞。與麗景而相鮮。人具爾瞻。既含章而効祉。我無爾詐。乃見素以守全。乃知王澤竭而退飛。帝道通而無遏。彼明心兮不妄至。知大節兮不可奪。象潔白而攸歸。知愛敬之傍達。懿夫不汙其色。周違斯道。秀質安倚。凝光淨好。美仁慈之及物。故易色於昭昭。惡赤黑之眩人。乃成形於皓皓。且夫應圖咸若。鄙臯澤之鳴鶴。瑞聖不還。陋江湖之白鷗。諒飲啄於仁義。豈逃潛於阻艱。所以其出無常。其來有素。雲凝標於羽族。玉潤合於王度。常從碧海。隨杲日而悠揚。今在華林。偶盛時而瞻顧。實由我后敬之昭假。皇

矣。光宅垂拱而燭幽以明。禽鳥乃化玄爲白。這祥光而聿至。望休氣以來格。時哉時哉。奮翹英於紫陌。又孟簡白鳥賦。驗白鳥之祥謀。告皇家之寶祚。蓋由天子張至仁。本太素享宗廟而無爽。薦孝敬而有度。何常日浴翻皓體以來儀。曾異火流。奚丹羽之可慕。凌翯翯之白鳥。類振振之翔鷺。稟純德而自甄。誠衆色之難汙。觀其皎皎奇狀。明明麗質。霜毳潔朗。玉姿閑逸。不愛其瑞。嘉載飛之可瞻。思效其祥。見莫黑之如失。寧爰企於往代。可俯窺於今日。原乎孝理通玄。格皇至虔。惟鳥感應。其容昭宣。抱正色而道洽。徒一作從反哺而名全。不然。則有威鳳之可紀。何白鳥之是傳。樂而有聲。且不棲於楚幕。潔而成質。故自協於靈篇。出林而日華亂動。繞樹而月影相鮮。嚮至化而遠集。想皇風而戾焉。衆而何爲。悲子生之八九。大而無應。災水擊之三千。爾其超遙高翥。未不可遏。見歸飛之荐臻。誠愷悌之四達。諒深仁之所化。固至性之難奪。若乃載鳴嗷嗷。浮彩皓皓。受西方之精氣。自洪爐而鎔造。遐想其蒼赤呈祥。豈與乎雪霜同編。且夫仰稻梁而自若。彼似籠之僊鶴。待馴狎而不還。何必招於白鵬。且養素而委質。非取容而強顏。故下臣賀瑞而歌曰。素德式昭兮。何鳥奕玄質。從化兮。爲潔白。符仁孝兮。叶往冊。見祥瑞兮。流聖澤。

赤鳥

春秋元命苞赤

烏陽之精也。禮稽命徵曰：得禮之制，澤谷之中有赤烏。又曰：火流爲烏。烏孝鳥，陽精。天意烏在日中，從天以昭孝也。尚書緯：火者，陽也。烏有孝名。武王卒大業，故烏瑞臻。詩：臣工於皇，來牟箋：赤烏以牟麥俱來，抱朴子：青冷傳云：熒惑火精生朱鳥。古今注：所謂赤烏者，朱鳥也。其所居高遠，薛綜：赤烏頌赫赫赤鳥，惟日之精。朱羽丹質，希代而生。孝經：援神契：王者德至鳥獸，則日烏下。墨子：赤烏銜珪降周之岐社，曰：命周文王伐殷，河出圖，地出乘黃，天錫武王黃鳥之旗。呂氏春秋：文王之時，赤烏銜丹書，集于周杜，故其色尚赤。魏楊阜上疏曰：文王有赤鳥之符。許芝曰：湯之王，白鳥爲符。文王爲西伯，赤鳥銜丹書。史記：周武王伐紂，師渡孟津，旣濟，有火自上復于下，至于王屋，流爲烏，其色赤，其聲魄云。馬融曰：王屋，王所居屋，流，衍也。魄然安定意也。索隱曰：按今文泰誓：流爲鵬鵬，鵬，擊鳥也。馬融曰：明武王能伐紂，封禪書：周有大德，有赤鳥之符。吳張紘書曰：殷湯有白鳩之祥。周武有赤鳥之瑞。思文正義書說：烏有孝名。武王卒父業，故烏瑞臻。赤，周之正。穀記：后稷之德。禮說曰：武王亦烏，穀芒應。宋志：武王有大自天，止于王屋。流爲赤烏，烏銜穀焉。程氏遺書：問：魚躍于王之舟，火復爲王屋，流爲烏，有之否？魚與火，則不可知。若兆朕之先應，則有之。孫氏瑞應圖：赤烏，武王

時銜穀米至屋上。兵不血刃而殷服。東家雜記子貢見端門有血書。以告孔子。孔子趨而觀之。化爲赤烏飛去。帝王世紀。豐公家于沛之豐邑。中陽里。其妻夢赤烏若龍戲。已而生執嘉。是爲太公。即太上皇。東漢書。漢章帝元和中。赤烏見郡國。續後漢書。孫權傳。赤烏元年。武昌言麟見。有司言奏麟者。太平之應。宜改年號。詔曰。間者赤烏集于殿前。朕所親見。若神靈以爲嘉祥者。改年宜以赤烏爲元。群臣奏曰。昔武王伐紂。有赤烏之祥。遂有天下。聖人書策載述最詳者。以爲近事。既嘉親見。又明也。於是改元。上元縣志。吳黃龍六年冬十二月。赤烏群集前殿。大赦。改明年爲赤烏元年。赤烏十二年。兩烏銜鵠墜於東觀。吳曆有兩烏銜一鵠。置神座前。或得神書說改號之意。乃改赤烏爲太元。孫休永安三年春三月。西陵言赤烏見。赤城續志。葛玄訪括蒼洞。治壇鍊丹。感動天地。爐鼎發輝。赤烏來翔。事聞于朝。吳主詔以赤烏改元。捕告中外。見純熙觀記。宋書五行志。晉元帝永昌二年正月。赤烏見暨陽。晉明帝太寧元年。郭璞上疏。當有赤烏來集。晉陵以顯至德。宋武帝永初二年二月。赤烏六見北海都昌。孝武帝大明五年。六月戊子。赤烏見蜀郡。益州刺史劉思考以獻。魏書志。高祖太和二年二月。涼州獻赤烏。肅宗熙平元年二月。赤烏見肆州秀容郡。神龜元年四

月赤烏見并州之晉陽縣。舊唐書德宗紀。貞元十一年十一月己酉。潭州獻赤烏。續資治通鑑長編。太宗帝紀。至道元年四月乙巳。知通判郡錢昭序表獻部內赤烏白兔各一云。烏稟陽精。兔昭陰瑞。報火德蕃昌之兆。示金方馴服之徵。念茲希世之珍。罕有同時而見。望宣付史館從之。上謂近臣曰。烏色正如渥丹。信火德之符矣。昭序淑之從子也。宋史五行志。宣和元年九月戊午。蔡京等表賀赤烏。有官龜鑑。朱敦則與三從昆弟居四十年。資產無異。兄朱仁軌隱居養親。常誨子弟曰。終身讓路。不枉百步。終身讓畔。不失一段。有赤烏白鵲棲所居樹。按察使趙承恩表其異。及卒。魏知古等共謚為孝友先生。孝子傳。吳叔和。捷為人。也。至孝。母沒。負土成墳。有赤烏巢門。甘露降戶。常璩華陽國志。犍道縣。孝子吳順。養母。赤烏巢其門。玉海。汪藻賀赤烏白鵲表。烏本陽精。鵲知歲事。祚隆火德。應在金穰。協周家玉屋之符。異莊子雕陵之見。孝能致哺。有生咸遂。宜多可俯之樂。同類相求。將致。

黑烏

大戴禮。夏小正。黑烏浴飛。乍高乍下也。西漢書五行志。景帝三年十一月。有白頸烏。與黑烏鬪。群楚國呂

來儀之鳳。

縣。白頸不勝。墮泗水中。死者數千。劉向以為近白黑祥也。時楚王戊暴逆無道。刑辱申公。與吳王謀反。烏鬪群者。師戰之象也。白頸者小。明小者敗。

也。墮於水者。將死水地。王戊不寤。遂舉兵應吳。與漢大戰。兵敗而走。至於丹徒。爲越人所斬。墮死於水之效也。京房易傳曰。逆親厥妖。白黑烏闔於國。太平廣記。燕昭王坐握日臺。時有黑烏白頸集王之所。銜洞光之珠。圓徑一尺。此珠色黑如漆。而懸照於雲日。百神不能隱其精靈。詳珠下。

丹

烏

王子年拾遺記。越王入國。丹烏夾王而飛。故勾踐得入國也。起望烏臺。言烏之異也。

錦烏

太平寰宇記。賓州錦烏。似鵲而大。

青烏

酉陽雜俎。李正己。本名懷玉。侯希逸之內弟也。侯鎮淄青。署懷玉爲兵馬使。尋構飛語。侯怒囚之。將寘於法。懷玉抱冤無訴。於

獄中。壘石像佛。默期冥報。時近臘日。心慕同儕。嘆吒而睡。覺有人在頭上。語曰。李懷玉。汝富貴時至。即驚覺。顧不見人。天尚黑。意甚怖之。復睡。又聽人謂曰。汝看牆上有青烏子噪。即是富貴時。及覺不復見人。有頃天曙。忽有青烏數十如雀飛集牆上。俄聞三軍叫喚。逐出希逸。壞鎖取懷玉。扶知留後。成式見台州喬庶。說喬之先官於東平。目擊其事。羅泌路史。黃帝紀。創單佝。設鬱律。說青烏。記白澤。以除民害。而民宜之。抱朴子云。精推步。則訪稽牧。講占候。則詢風后。窮神姦。則記白澤。相地里。則說青烏。三說今代有之。而非矣。輿地紀勝。青烏鎮。九域志。在縣西四十里。圖經云。青烏鎮置。